

مکتبہ اسلامیہ

۱۹ نجی سنہ

سنہ ۱۳۱۷

جزء، عدد : ۹۲





وفیات و ارتحال اعلانلری

غزتهلرده وفیات یومیه ایله متعینان مملکتک و حتی اعیان امک وقوع ارتحاللری اعلان اولمق اوتعدن برو عادت حکمنه گیرمیشدر. بزده غیر رسمی ایلمک ترک غزتهسنى احداث و نشر ایتمش اولان متوفى چورچیل جریده حوادلده اوروپا غزتهلرینک بوصولنى دخى تطبیق ایتمش و مؤخرأ ظهور ایدن سائر غزتهلر دخى جریده حوادلنى تقلید ایشدر.

طبیعیدرکه بر مملکتده کلّ یوم هم وفیات و هم تولدات وقوع بولور. بونلری ایسه مملک متعینده دوائر بلدییه قید ایدر. چونکه دفن اموات دوائر بلدییه نك رخصته موقوف اولدیفی کی، قید مولودات دخى نظامات بلدییه جه الك زیاده اعتبا اولان خصوصاتنددر. نه کیم بزدهده ائمه محلات رسمأ بووظیفه ایله مکلف اولدرق دفن اموات ایسه، امور صحیه ادارهسنه عائد خصوصاتدن بولنمشدر.

نائیأ بوراده وفیات عمومیه نك تعیین اسباب و مقدارى بینه امور صحیه عائد مواددن اولدیفندن اکثریا غزتهلرده (درسه ادنده فلان کوندن فلان کونه قدر وقوع بولان وفیات) عنوانیه نشر اولان جدوللرده مقدار وفیات علل و اسبابیه برابر اعلان اولنور.

بو یولده کی وفیات روز مره اوروپا غزتهلرنده (نقر و اقوزى) عنوانیه قید ایدمک معتاددر. شاید بو وفیات میاننده ارتجالى مملکتجه ضایعاتدن معدود ذوات بولنور ایسه اق حالدده اوصاف متمایز سنک تعدادیه متوفى حقنده کی حسن حرمت و محبت عامیه ترجمان اولق و ذکر خیر ایله یاد ایتمک غزتهلرجه بروظیفه در.

وقتیله ترجمان احوال و تصویر افکار گبی یازدیغنی بیلور غزته لمزده دخی
وفیات مشاهیر بو صورتله اعلان اولنوردی که ، تأیید مدعا معروضنده فقره آتیه‌نی
ارائه ایدرز :

(تصویر افکار : ۸ شوال ۱۲۸۰)

« استانبول پایه‌لورندن منجم باشی عثمان صائب افندی عرفه گیمه‌سی ارتحال
دار بقا ایلشدرد . علوم حکمیه و بالخاصه هیئتده ماهر اولان بۆبله برداتک فقدانی
معارفجه ضایعات عظیمه‌دن معدوددر . »

عثمان صائب افندی مرحوم اعظم ریاضیه‌دن برحیم ذوفنون اولدیغنی حالده
تصویر افکار فضائله . فقط شو برقاچ کله ايله ترجمان اولمشیدی .

بش بوز بوقدر نسخیه قدر نشر اولنان تصویر افکارده بیوک قولراده وفات
ایدن بر ایکی رجال مملکتله رفیق بلک مرحوم گبی بر نادره ادب و معرفت استنباط
ایدیله جک اولورسه وفات ایدنلردن بر فرد حقیقه بو بولده برئی یازلمش اولدیغنی
گوريله مز .

شمدی ایسه هان هرايکی اوچ گونده بر غزته لرده (ارتحال) سرنامه‌سی آلتنده
بر خبر وفات یازلمقدردر . شهسز غزته او قویانک نظرینه بۆبله بر عنوان حزن مال
ایلیشجه بر حسن مراقیله کیم اولدیغنی او کرتمک ایستمی طبیعی در . فقط ده ایلک
سطرده متوفانک مثلاً (مالازکرد) قائمقاملغندن منفصل شعبان افندی اولدیغنی
گوریر .

شوراسی یلمز که پای تختنده چیقان بر غزته ، ملکک هر طرفنده بولنان مشتر-
یلرینه هابکی سنجاعه تابع اولدیغنی احتمال که کندوسنجه دخی مجهول اولان مالازکرد
قضاسندن منفصل شعبان افندی‌نک خبر ارتحالی اعلامده نه گبی بر خدمت ایفا ایتمش
اولور ؟

اوت ! مالازکرد قائمقاملغندن منفصل شعبان افندی‌نک وقوع وفاتی بر غزته
طرفندن یازيله بیلور . فقط شعبان افندی دیستان ذاتک مملکت و دولته فوق العاده
بر خدمتی سبق ایتمش ایسه . چونکه بۆبله مشکورالخدمه بر قائمقامک حال و شانی

ملکک هر طرفنده یلمکک و ذکر خیری تابحشر زیور السنه انام اولمغه شایاندر .
 یسه بوسرنامه حزن مال آلتنده برایی سطر دها او قورس سکر . گورر سکرکه
 امثالی یوز بیلده برگور اعظم ملکندن بری وفات ایشدر . آکا دایر بکلنیلان شی
 ایسه بالطبع متوفانک فضائل مجبوله و مکتسبه سیدر . حال بوکه او قویه جغکز سطر لر
 مرحومک نعش (مغفرت نقشی) فلان محله کی قوناغندن (احتفالات لایقه ایله)
 قالدیر یله رق جنازه نمازی فلان جامع شریفده بعدالادا فلان تر به حظیره سنده کی
 مقبره مخصوصه دفن ایدلمشدر ؛ طرزنده باصمه قالب تعبیر ایدن و آکا تالی اولان
 بش اون سطر ایسه جنازه ده حاضر بولان ذواتک تعریف صفاسندن عبارتدر .



شو مقاله یی یازمقلغزه کچن کون غزته لرده نظر تأسفله او قودیلغز بر خبر ارتحال
 سبب اولمشدر . بوا یسه طوبخانه عسره مجلس حربیه رئیس کامل پاشا مرحومک وفاتی در .
 بوذات کیم ایدی . نه مزیتی حاز ایدی . اختصاصی نهدن عبارت ایدی . دولت
 و مملکتته نه کبی خدمت ایفا ایلشدی . تحقیق و اعلانی آتی یازان غزته جه ایفاسی
 متحم بروظیفه ایدی . یوقسه اون کوندن برو مبتلا اولدیفی خسته لقندن رهایاب اوله ما .
 مسنی و فلان تر به حظیره سنده دفن ایدلدیکنی و جنازه سنده فلان و فلان ذاتلرک
 بولندیفی تحقیق و اعلاندن متوفایه هیچ برخیر تعلق ایتمز .

کامل پاشا مرحوم مهندسخانه بری هایوندن یتیشان ذواتک الگزر یده لرندن
 اوله رق والد ماجد حضرت پادشاهینک عهد هایونلرنده اکمال تحصیل ایتدکدن -
 صکره بلجیقایه گوندلرملش ایدی . بوندن قرق قرق بش سنه اول مکاتب عسکریه من
 شمیدی مکتبیتده اولدیفی کبی . اعمالات حربیه فابریقه لمزده دخی متفنین
 ضابطلر من یوق ایدی . بوسببله دولت فابریقه لر ی ترسانه دن فسخانه ی قدر عموماً
 اوروپادن جلب اولشمش اجنبی صنعتکارلری ائده بولنوردی . بناء علیه اوتاریخده
 طوبخانه مشیری بولان ذات مهندسخانه دن چیقان اذکیادن بر قاق ضابط انتخاب
 ایدرک بلجیقایه گوندلرملش ایدی .

ایشته کامل پاشا مرحوم دخی بلجیقایه گوندریلان افندیلردن بری ایدی .
 کامل افندی بلجیقاده فرانسه زجه یی کالیله تحصیلدن صکره (شیمی اندوستریئل) ک

یعنی (کیمیای صناعی) نك تحصيلی آرزو ایتمکله اعمالات حربیه صنفنه منسوب اوله رق لیئر کوندرلمش واوراده اعمالات ناریه فابریقه لرنده درت بش سنه استخدام اوله رق اوصنعتده فوق العاده رسوخ وملکه حاصل ایتمکدن صکره (علی الاعلا) شهادتنامه سیله وطننه عودت ایلمشدر .

معلومدرکه لیئر مصنوعات حدیده ده و باخصوص تفسکیچیلک کبی آلات حربیه ولوازم ناریه ده اعمالاتک نفاست و مکملتی ایله مشهور برشهردر .

بوریاه عودتده ایسه اعمالات حربیه نك حسن جریانه مأمور اولان و اق تاریخده میر لوا بولان طوبخانه مشیری مشهور خلیل پاشا کامل افندی بی فوق الغایه تقدیر ایدرک زیتون برونی فابریقه سینده قایسول اعمالاتی دستکاهلرینه مأمور ایتمشدر . ایشته بؤذات ملازملمکدن تالوالغه قدر مرحوم مشار الیه ک حمایه سینده قالمقه کاه بارودخانه نظارتنه و کاه اعمالات ناریه خدمتانه مأمور اولمش .

مؤخرآ کامل پاشانک مفطور اولدینی فضائل استقامت و باخصوص خصائص اختصاص ولیاقت، ذات ستوده صفات جناب خلافتناهی عندنده تحققی ایلمکله عهد استیاله فریقلاک رتبه عالیهنک توجیهله برابر بوم وفاتنه قدر اداره ایستیگی طوبخانه مجلس حربیه سی ریاستی تفویض بیورلمشیدی .

بارودخانه نظارتی بارودچی باشیلرک ایدی انحصارندن قورتلدینی تاریخنن کامل پاشا مرحومه گلنجهیه قدر بارود اعمالنک دقایق کیمویه سنه واقف برذاته تودیع اولنماش و مشار الیه دن صکره دخی اوکعبده برناظر کورلماشدر .

ایشته سادهجه طوبخانه عامره مجلس حربیه سی ریسی عمر کامل پاشا نامیله وفاتی اعلان اولان ذات امثالی قرق بیله بریتیشان بوجود کامل ایدی . بناء علیه غیوبت ابدیه سی معارف عسکریه و صنایع حربیه جه ضایعات عظیمه دن عد اولنور . دیمک ایسترزکه غزته لرمنله وقوع ارتحاللری اعلان اولنسان رجال مملکتک ولو ایکی اوچ کله ایله اولسون اوصاف متمایزه سی تصویر اولنمنی درکه متوفی حقنده قلوب انامده برحس شکران حصوله گلسون و بوحس قرناً بعد قرن اولاد و اعقابنه انتقال ایله دوام ایدوب کتسون .

ابوالضیاء توفیق